



Tapkuat Maligaligiyyit Kivgaqtit Katimayit Nunavutmi

**Ayuqhaqtut Inuliqutitlu Maligait
Akiliqtauni Pilaqtyutlu Maligait**



2014

MALIGALIGIYIT KIVGAQTIT KATIMAYIT NUNAVUTMI

Titigaqavvia 125, Uqhuqtuuq, Nunavut. X0B-1J0
(867) 360-4600 Hivayauta (867) 360-6112 Fax-kut

Ayuqhaqtut Inuliquititlu Maligait Akiliqtaunit Pilaqtutlu Maligait

1.0 Maligaqnut Uqauhiit

Tapkuat Maligaligiyyit Kivgaqtit Katimayit (tapkuat “LSB-kut”) piqaqtitai ayuqhaqtut inuliquititlu maligait ikayugutit ilaitnut maligait pityutit pilaqtunut Nunavummiut.

Tapkuat LSB-kut piniaqhimayut piqaqtitninik uingaiqni kivgaqtugamingnut, hapunniaqtit, tapkuat apiqhuyit inungnutlu tamaitnut piplugit hunanik tapkuat inuliquitit maligait akiliqtauyangi tapkunanga maligaliquitit ikayugutit. Una maligaq titigaqhimakmiyai qanga inuk pilaligianga ayuqhaqtunut inuliquitinutlu maligait ikayugutinik piplugu naamaknia kiinauyaliquititlu piyaqaqninut.

2.0 Unniqtuutit

Pilaqtuq Inuk – Tamna pilaqtuq inuk ayuqhaqtunut inuliquititlu maligait ikayugutinik tamna inuk pihimayuq:

- (1) nunaqartyuq tahamani Nunavutmi;

(2) pitaqtai tamaita anginiqhamikluniit taphuma manikhauhit inungnut ayuqhaqtuqhiutinik tapkunaniittuqluniit iluani kiinauyaliqutinut pilaqninut maligaqni atuqhugit tapkuat kiinauyaliqutinut pilaqnit aktilangi; tamnalu

(3) pihimayuq naamaktumik pityuta piplugu tapkununga maligait ihumagiyat taphuma LSB-kut hapunniaqtia.

Naamaktumik utiqviularniq- pikpat, ihumagiyani hapunniaqtip naunaiqtugai tapkuat titiqat, tamna maligaqnut pityutit pityutauyut naunaigaulat naamaknit qanigutaulatlu, tapkuat utiqviuni naamaknit.

Tamaat manikhauhiq - katitlugu manikhauhigilaqta inuup akiliqniahaqtitlugit taxesiyautit

Katitlugu manikhauhiq - katitlugit inuup manikhanga akiliqaqtitlugit taxesiyautit

CEO-nguyuuq - Tamna Ataniq Ataniuyuni Havakti tapkununga LSB-kut taphumaluniit tiliuqta

Nunaliuyuuq - inuk inuuyuuq tahamani nunaqaqpaktuq Nunavutmi.

3.0 Maligaqnut Ihumagiyauyuq

- Piqaqtitninut “pilaqtut inuit” taihimayumik angipagiqhimayumiklu ayuqhaqtut inuliquititlu maligait maligaligiyyit kivgaqtutit atuqhugit naamaktumik hatqiumayuniklu tiliuqnit pityuhit.

- Atuqpiqtitni pilaqtut inuit tiliuqviuni ayuqhaqtut inuliquititlu maligait hapunniaqtimik piyagakittumik piplugit.
- Ihuaqhihimani tapkuat ayuqhaqtut inuliquititlu maligait akiliqtaunit piyauni hivulliutyaqnilu tiliuqtauninut titigait hapunniaqtimun.
- Pinguqtitni manikhauhit tukligiktaqni titiqat unniqtuqni kiinauyaliqutinut pilaqnit maligait ayuqhaqtunut inuliquitinutlu maligait maligaliqutit ikayugutit kivgaqtugaayunut.

4.0 Akiliqtugauninut Maligait

- Ayuqhaqtut inuliquititlu maligait maligaliqutit ikayugutit pilaqnit tapkununga kiinauyaliqutit pilaqnit atuqtauni pilaqtunut inungnut pityutinut tugangayut inuliquitit pityutainut, ilautitlugit kihimiungitkaluaqtitlugit inungnut pilagutit, atuqtuaqvikmun igluqpakmik atuqtuaqtuqlu, havakniqmun maligait pilihimatlu ihuinaqni titiqat.
- Maligiat ikayugutit pilaqtut inungnut hanmikhiqtut anitauyakhaq iglugiyamin pityuhiqnut atuqhugit tapkuat *Iglugiyaaqatunut Atuqtuaqtut Piquyat* R.S.N.W.T. 1988, tamnaluk c. R-5 (Nu) piplugu pinahugiyayumun pilaqniq piplugu.
- Ilaitni kiklilittautinilu piplugit, pityutinutlu atuniqhugit piplugit, legalmaligaliqutit ikayugutit ikayuqtaayunut tamnaluk/tamnaluniit

pityuhiit taihimayut inungnut piyauyumani, pityutitluniit tapkuat pilaqnit apiqhuiyinu kikkilittautilgit pityutauni piqpiiaqtumik angipyaktumiklu hivuganaqnit inungmut akhugutilikmun naamangittumik maniknut tammait piplugu tapkuat piqangitnit inmigut hapunniaqtimik. Angiqtauni akiliqtaunit taimaittuni pityutinut piyut kihimik ihumamiqninut taphuma CEO-nguyuuq tapkununga LSB-kut; taimaittut ihumamigutit atuqtauyukhaq ihumagiqahiutilugit Nakataani 45 tapkunani *Maligaliqutit Kivgaqtutit Piquyat*, maniliqutit piqaqnitlu kikkilittautit tapkununga LSB-kut ilagilugit tapkuat inmingni ayuitnit maligaliqutit havaktit tapkuatlu pilaqnit naamaktumik kivgaqtuqni tapkuat tukhigaqtut piluaqtumik pityutimun.

- Malikhugu Nakataani 45(4) tapkunani LSA-ngi, tapkuat LSB-kut piyut maligaqtigut pittaiyauyut piqaqtitnit maligaliqutinut kivgaqtutit piplugit tapkuat:
- hukhagiyaungitniq;
- pityutit piplugit tapkuat piqutigiyai inuuyup inuhuiqtupluniit inuit;
- tapkuat kuapurisanguqhimayut, pinguqtauni piqtauniluniit nanminilgit, kuapurisauyut katimavilgit katutyiqatigitluniit;
- piqpianguyut piqutinut akiliqtutit;
- piqutiligiya kivgaqtuqtiluniit huliniit, ihuqahaiyuyup angugutaupkaiyipluniit piplugu kitutliqak piyut; tamnaluniit
- pityuhiit piplugit niguagutit kitutluliqak taihimayut pityutit

5.0 Kiinauyaliqutinut Pilagutit Tukligiknit Titiqat

5.1 Naunaigianganik tuxhigaqtuq piyanga kiinauyaliqutinut pilaqnia tapkununga ayuqhaqtut inuliqutitlu maligait maligaliqutit ikayugutit, tapkuat LSB-kut atuqtai tahapkuat kiinauyaliqutit pilaqninut hivuligutit:

Piplugit taphuma tuxhigaqtup tamaitnut manikhauhit

| Iglumiutagit Aktilanga | Ukiumun Tamaitnut Manikhauhit Puqtunia |
|------------------------|---|
| 1 inuk | \$50,400.00 |
| 2 innuk | \$62,400.00 |
| 3 inuit | \$88,800.00 |
| 4 inuit | \$96,000.00 |
| 5 inuit | \$103,200.00 |
| 6 inuit | \$110,400.00 |
| 7 inuit | \$117,600.00 |
| 8 inuit | \$124,800.00 |
| 9 inuit | \$132,000.00 |
| 10+ inuit | \$139,200.00 |

5.2 Kinaliqak inuk pilik tamaitnut manikhauhit avatquplugu tapkuat kiinauyaliqutit pilaqninut hivuligutit aktilangat tapkununga qaphiunit inuit taphuma iglumiutainut pinigagauyuq kiinauyaliqutinut pilaitnianut maligaliqutit ikayugutinut. Taimaittuq inuk piniaqtukhauyuq pipkaqnia maligaliqutinut ikayut tuxhigaut pipkaqnia maligaliqutinut kivgaqtuqtia kivgaqtutaluniit qipiluktaunia.

5.3 Tahapkuat inuit ihumagiyauyut pilaqnik pitaqhimaittutlu piyaliknut uqauhigininik uumani, angiqtaulaittut pitaqnik ayuqhaqunut inuliquititlu maligait ikayugutit tapkunanga LSB-kutnit. Tamna hulinia iniqtiqnia tunihiniqlu maligaliquutinut ikayugutit tukhigaut pityutaungittuq hapunniaqtinut kivgaqtugaqmun piqatigiknia.

5.4 Inuk ihumagiyauyuq pilaittuq kiinauyaliqutinut piplugit pitaqnik maligaliquutinut ikayugutinik tuniyauniaq tugagutainut tuhagakhanik tapkunanga Tapkuat Maligait Katimayit Nunavut (tamna “Maligait Katimayit”). Atuqhugit tapkuat Maligait Katimayit, tamna iinuk pitalaqliaq titiqanik havaktunik Nunavutmi hapunniaqtinik tahapkunani inmiguqtunik hapunniaqtiuniqmun ikayulaqtukhat inmingnut pityutainut.

6.0 Piqpiat Piqtit Pihimapkagauyutlu

- Pikpat tamna tukhigaqtuq ilagiyanitnia kiinauyaliqutinut pilaqniqmun hivuligutinut kihimik titigaqhimanit taiguhit nanminiaqniqmun piqpianguyut piqtit, tapkuat LSB-kut pilagutilgit pilagutinik pihimapkainiqmik taiyauhimanianik taphuma piqutigiyaaq pilihagutanut aktilanga \$5,000.00. Tamna pihimapkaqliaq atuqtauniaq pitaqtitninut tunityutit akiliqtaunit utiqtitnianik ilanga tamaatluniit tapkuat akitunit tapkuat maligaliquitit kivgaqtutit piqaqtitauyut kivgaqtugaayumun.
- Pikpat kivgaqtugaayuuq, pihimayuq pihimapkagaunianik taigutanik, piqaqat titiqanik piluaqtumik angipyaktumik akhurnaqnilikniklu piyaqagutanut angipyaktumik maligaliquutinut piqaqnit akitutqiyauyut avataanut \$5,000.00, tapkuat LSB-kut

pilagutilgit pilagutimik ilagiqnianik nautiumatini ililugu ilagiagut pihimapkaqnianut taigutanik tapkununga \$5,000.00 ilagiaqtagutainut.

- Iniqtigutani tapkuat titiqat pigiyai taphuma kivgaqtugauyup piqpianguyunut piqutit tapkunani titiqani pigiyauyunut taphumunga kivgaqtugauyuq piqpianguninut piqutit, kititaunit kivgaqtutit atuqtaunit piqatigiyailu pinnagiyaunit akiliqtakhaliuqniat kivgaqtugauyumun. Tapkuat pihimapkagaullaktut piyauniat uumanga taiyauninit piyagangat kivgaqtugauyuq akiliqtaunit tapkununga LSB-kutnut, tamaitnut, tapkuat aktilanga akiliqtakhaliugaq kitutluliqak aulatyutinut akitunit atuqtai tapkuat LSB-kut atuqhugit titigaqtaunit atuqtaunitlu tapkuat pipkagaulaknit.
- Tamna CEO-nguyuuq ihumamiqtuuq mikhigiqnianut tamna akiliqtakhaq aktilanga ihumagiqahiutilgaqlugit tapkuat kivgaqtutit atuqtaunit, tapkuat qanugitni pitagauyut naamakhihimanilu, piplugit atuqtauvaktut maligaliqutinut pitquhit, pivigiyani atuqtaunit kitumutliqak titiqanut. Tamna CEO-nguyuuq ihumagiqahiutilaqmiyai tapkuat kiinauyaliqutinut qanugitni kivgaqtugauyup
- Tamaita pihimapkaqnit titigaqtauniat taphumunga taiyauyuq pilagutauyumi taphumanga CEO-nguyuuq kivgaqtuqhugit tapkuat LSB-kut.
- Kivgaqtugauyuq ikayuqhiutiyuuq tapkuat akituninut taphuma maligaliqutinut ikayugutai hivuliutyaqtauniaq kivgaqtutainit ahiit.

Tamnaluiniit tunityutai taihimanit kivgaqtugauyup niguaqtanik hapunniaqtimik.

7.0 Hivulliutyaqni Titiqat - Urgent/Discretionary Cases

• Iloitni piyaunit atuinangittuni, tapkuat igininaqnut piyaqaqni qilamik pitaqtitnit ayuqhaqtut inuliquitlu maligait hapunniaqtimik, taimaittuni pityutini piyauyunut anitaunikhamun iglugiyamin, tamna CEO-nguyuq, tiliuqtaluniit, ihumamigutiqaqtuq ihumagiyanga inuk pilaqnianik atugiaqaqnianut piyaqaqnialu apiqhuiyinu pityuhiqnut.

•

•

• Pitaqat tamna igininaqtuq aniguqtaqat, tapkuatlu hivulliqmik pityuhit iniqata piplugu piyaqaqnit, tamna inuk tunihiyalik tukhigautmik naunaiqtugakhamik angiqtaulunilu. Tamna Atullaktuq kivgaqtutauyuq aktualaita ihumagiyaunit qanugitauniluniit taphuma angigutip pityuhianut.

• Ihumamigutigiya taphuma CEO-nguyuq atungititnia kitutliqak nunaqaqatauyanganik piyaqaqnit inungmut tukhigaqtuq maligaliqutinut ikayugutmik. Taimaittut ihumamigutit atuqtauniat ikittunut qanugitninut tapkuat qanugilinganita piplugit atuqnit. Taimaittut qanugitnit ilaqalat, kihimiungitkaluaqtitlugit tapkuat, angipyaktumik atatyutai Nunavutmun ilautitlugit inuuhimania piguqhaqnaluniit tahamani Nunatagauyumi, ilaqahuni ilitquhiitluniit atatyutainik akuniluniit Nunavutmi nunaliupluni tammaihihima nunaliuqatauniqminik piniaqhimaittumik atuqninikluniit qanugitnigiya hugialaitanik.

8.0 Tamaitnut Ayuqhaqtut Inuliquititlu Maligait Maligaliqutit Ikayutit Kivgaqtutit

- Ayuqhaqtut Inuliquititlu maligait maligaliqutit ikayutit ilalgit tapkuat piqaqtitninit tamaita uqauyaunit, pigiaqutiqaqhutik iniqtiqhugitlu apiqhuiyinit ayyikkutapyailuniit pityuhit piqaqtitnilu inmiguqtut maligaliqutit uqauyaunit ihuaqhautitlu. Naliat kivgaqtutit piqaqgutaunit atuni kivgaqtugaqnut ihumaliugutauniat taphumanga CEO-nguyuuq piplugit tapkuatuqauyaunit atugahuaqunitlu hapunniatqtip piyaqaqtai tuninit maligaliqutinut ihumaginit atuni maligaliqutinut ikayugutit tukhigautit.
- Tapkuat LSB-kut pilaguhiaqtut nutqaqtitnianik kivgaqtuiniqmun piplugit kivgaqtugauyuq pitquinianut piyaunianik naamangittumik tamnalul/tamnaluniit akiniangittanga piyaunia, akigaqtuqhugu tamna uqauyaunia hapunniatqtip.